

## QVÆSTIO MEDICA

Quodlibetariis disputationibus manè discutienda in Scholis  
Medicorum die Iovis 31. Decembris.

M. ARMANDO JOANNE DE MAUVILLAIN,  
Doctore Medico, Præsîde.

*An Iracundiores fœmina difficiliùs pariunt?*

### I.

**A**NIMI motuum vehementissimus & jucundissimus, amor est. Hôc elati mas & fœmina, nutuos eunt in amplexus, ut semen in spem sobolis suscipiendæ profundant. Id expressum atque decerprum ab utroque parente germen fœcundum excipit uterus, non sinè sensu mollissimæ jucunditatis. Quod si ai adè complexum non disfluat illud ex agro naturali, nusquam oriosa natura brevi prima jacet hominis fundamenta. Quæ sit ea virtus quæ toti confusa semini partes illius à se invicem distinguat, distinctas illustret, perpoliatque, non constat apud omnes Philosophos. Ad mentem per totum insulam mundum, rerum effectricem omnium confugiunt aliqui. Sunt qui spiritus comminiscuntur architectos semini connatos, alij calorem opificem, ædificatoremque corporis esse magnis animis contendunt. Quantum aberrent à scopo veritatis ejusmodi sententiarum assertores non est hujus loci pluribus declarare. Partium singularum universi corporis epitome semen. Hominem itaque novum condi quid aliud? Quàm has partes contractas & obscuras advenientis hospitis animæ opera explicari magis, & magis diffundi nutritij humoris impulsu beneficioque. In hunc usum venam, & arterias adornat natura quibus alibilis succus ex utero transfundatur ad tenellum corpus. Atque ut tutum illud ab omnibus injuriis incrementum sumat, duabus membranis circumtegatur. His involucris conclusus fœtus, quasi pullus ovi testâ circumambiente sinè chylosi, sinè æmatosi, sinè spirandi offi. io nutritur in dies, augetur, perficitur: donec tandem in has vitales auras quasi victor ovans è carcere prorumpat.

### II.

**V**ERE novo spirantibus Favoniis omne genus animantium æstro Veneris percipit, vitæ beneficium quod ipsi à naturâ collatum est, novâ susceptione prolis ardet, aucto cum fœnore naturæ referre. Sicut suum habent desinitium coeundi tempus, sic & habent pariendi bruta, cujus fines nusquam præ-

A

tergrediuntur : ita Canis quarto semper mense, & Elephas anno secundo ceta & constanti lege factum enitur. Solus homo velut exlex quovis tempore dat operam liberis, quos nunc ocyus, nunc tardius ex utero fundit. Cave tamen cuiusvis factus exclusionem partus illustriori nomine dones. Nisi firmis lateribus, artubus robustis, & partibus singulis eleganter descriptis prodeat in lucem factus, abortum continuo voces, non partum. Nusquam ideo parere Ursam crede, si rudem, quod aiunt, & indigestam carnis molem profert, quam lingua lambendo velut artifice manu parens ingeniosa postmodum fingat & exornet. Ante septimum mensem nullus verè partus. Qui sexto fiet *supra* erit, vel ut loquitur medicinarum princeps *exlegimus*, *improba*. Nec enim nisi græca fides habenda mulieribus quæ sexto mense factus à se editos prædicant, ita confirmato corpore, ut superstites illi, nec non & incolumes hæc usurâ lucis potiti sint. Quoniam quavis datâ occasione conjuges amplexantur, habent in manibus, sinu suo fovant, & osculantur feminae; sæpius eas later quâ die pretiosa legentis Amoris poma. Qui nono contingit mense partus, faustis contingit avibus; perfecto jam foetu, maturoque. Decimo qui accidit, tardè quidem accidit, sed sine turpitudinis notâ vel matris vel prolis nomini inurendâ. Desudant plurimum Astrologi facto examine planetarum in reddendâ ratione cur octavo mense nati libitinam æque citò Salutem ac lucem. Huic gravidatum mensi frustra auctorem. Hunc tu mensem nascentibus dicas semper acerbum semper infortunum cum Hippocrate, quod nunquam tunc temporis valeat factus ob labores quos jam jam subit, ut occlusos uteri materni parietes referat.

### III.

**L** A T E B R A S uteri multiplici nomine fugit factus. Qui jam ipsius in corde potèntior emicat calor; aëre libertiore frui postulat; nec ampliùs sanguineo contentus pabulo, lacteo crassiori, refici avet. Quid quod mole nimia factus grandioris uterus laborat, & defatigatur; adeo ut impar sustinendo ponderi succutiat sese & erigat ad onus deponendum. Qui uteri angustias alteram ex causis partus agnoscit: nescit ille profecto quod Canes quotidie terminis detineantur locorum angustioribus, & etiam si captivi non crescant, vivant tamen. Partus quibuscumque animantibus opus est plenum alæ, plenum periculi. Quod de viperâ narrant & de pisce Aciculâ quæ præ dolorum immanitate inter pariendum exanimari scribunt, fabula. Fortunatior equidem brutis existit partus, quàm mulieribus. Tam in laboribus quàm in doloribus femina molliores nostræ sunt. Caput humani factus in utero tantam in molem accrescit, ut in immensum distendi, & à se propè divelli partes necesse sit, quò facilis ipsi via pateat ad exitum. Econtrâ verò in genere brutorum femina non cedunt pleræque robore maribus, patientes sunt æquè laborum; & cum earum factus minis augentur in utero secundum partes superiores; his primò viam affertantibus, inferiores, licet ampliores facillimè consequuntur in partu. Tantos habet cruciatus partus, ut supersticiosa patrum nostrorum ætas, Prosam cælo locarit deam & Postverdam, quarum altera naturalibus partibus, altera vitiosis exorata faveret & adesset. Quamquam in partu feminarum gens universa feris dilanietur doloribus quorum aculei nullis herbarum virtutibus, nullis incantamentis obrundi peni-

rās queunt : non est tamen fors æqua parturientium. Aliæ aliis gravius aut mitius afficiuntur. Major partus difficultas, ab amplâ oris uteri patefactione. Hanc adeo stupendam esse dicebat Galenus, ut hominis intellectum superaret. Et ipse qui solius naturæ studio vacabat medicus de diis parum sollicitus, providentiam divini artificis in hoc casu laudat & miratur attonitus. Vastum hunc & immanem oris uteri hiatus procurat exundantium aquarum effluxus, qui ruptis fortis involucris evenit. His namque rivis muliebria latè loca suaviter irrorantur, & innocenter omnes re mittuntur fibræ : ita ut flexiles illæ fœtui quâ capere, quâ pedibus exitum animosè molienti cedant, atque pareant sequaces. Prodit humidius abarte, vel à naturâ contingit os illud uteri, tantò commodius solvitur ; in modum panni qui nusquam latius expanditur quam cum humore madet.

## I V.

**S**ANGUINIS ebullitio circâ cor, vel in ejusmet sinibus, ita est. Hinc qui tentantur hac cupiditate, non minùs ferè calent quam qui febre correpti æstuant. Citatior illis continuo pulsus est, respiratio crebrior, vox elatior, scintillant oculi, facies rubet, motus universi corporis incompotiti sunt ; & sicuti causus animæ facultates eximias labefactat : sic & hæc perturbatio rationi tenebras offundit ; ita ut si temperantiâ cupiditatum omnium moderatrice non coarceatur, nec monitis amicorum paret, nec precibus flectitur ullis iratus, certus illatam injuriam mordicus prosequi donec pœnas ab inimico repetierit. Quoniam omne genus animantium ut hominum incurrere potest in ea quibus graviter offendatur, nullum est ex iis quod non tangitur irâ. Quantum eâ percellantur, vel Insecta, Apum inter se bella gerentium discordiæ demonstrant. Hæc *ὀργή* causam habet temperiem universi corporis & potissimum cordis calidiorem, sanguinis fervorem, fluorem, tenuitatem, mobilitatem, & ad partes superas impetum. Sic animalia si spectes quorum ira nobilior, hæc singula comperies infelicius nutriri, difficilissime tumere, pulsu esse concitatiori, cute aridiori, pilo duriori, siccitatis in iis prædominantis argumenta certiora. Quis hæc solâ persuasus ratione non videt quantæ calamitates immineant parituræ, quæ ita sit ad irascendum à naturâ comparata. Siccior in eâ vagina pudendi & propè cartilaginea, siccior os utrumque uteri quam difficulter aperietur. Certè earum partium fibræ tam citò ferè disrumpentur quam laxabuntur. Ex hac violentâ solutione continui quis dolor, quam tristis quam asper sensus ? Non se parere clamat præ desperatione mulier, sed abdomen unguibus quasi ferreis dilacerari, vel dentibus Ferarum atrocibus intestina crudeliter arrodi conqueritur. Atque ut se jungatur ab utero jecur uterinum, cui tenaciter adhæret, quibus exagitur Colubris, quo pungitur, imò perfoditur ense omnino vix consolabilis mulier ? In temperatioribus aquæ salientes à laceris fœtus operculis uterum undequaque irrigando partum mirè juvant ; ab hoc imbre vix aliquid commodi percipiunt iracundiores, quod salior in iis hæc aqua sit, quâ ulceratur, & siccat potius uterus, quàm emollitur.

## V.

**O**MNIS animi vehementior commotio parturientibus exitiosa, tota sui juris esse debet natura in hoc opere nobiliori, quò liberè suis utatur instrumentis sanguine scilicet ac spiritibus ad ejus absolutionem, perfectionemque. Si

avocatur ab incæpto molimine, conatus non nisi leves ad partum expectandi, quibus nullatenus promovetur ille, tantum abest ut compleatur. Ità si cum spe divite non se accingat ad partum mulier, sed falsà opinione futuri mali jam antè penè exanimata contremiscat, horreatque; ut lentior, sic molestior dubio procul continget partus. Hujus acerbiteriam summam lenientium ope medicamentorum ars nostra temperare diligentius studet, maximè verò peritâ Chirurgorum manu, quæ fœtum adducit morantem, attrahitque: vel debitâ figurâ nec prodeuntem repellit, & ut decet inclinat. Quæcumque parturienti verè opitulari Carmenta contendit, id unum curare potissimùm debet ut sanguinis & spirituum fluxus ad partes inferas dirigatur. Dum fibræ uteri spiritibus plene turgent, fortius incumbunt in opus, & validiori nisu fœtum expellunt. Dum vasa quibus alluitur uterus exuperante sanguine distenduntur, premitur uterus, premitur ipse quem continet fœtus, atque adeò volens nolens impellitur ad egressum. Quid salutarem hunc sanguinis atque spirituum cursum ad uterum sistit magis, aut saltem remoratur quam iracundia? Quæ sanguinem & spiritus diffusæ partes à corde langueant frequentius calore defectæ. Et quoniam iracundiam potentissimè provocat dolor: ardet illa magis ac magis ob partus immanissimos cruciatus, sic ut ipsa mulier iracunda sibi tunc temporis admodum infensa sepius in partu concidat; à cujus equuleis aliquandò duce & auspice Lucinâ liberaretur si peccatori esset animo, modumque teneret, ac tranquillitatem quâ fœlicior efficitur vita, morborum arcentur impetus, & ad omnia munia promptiores redimur & alacriores.

*Ergò Iracundiores fœmina difficilius pariunt.*

Domini Doctores disputaturi.

M. Ludovicus Poirier.  
M. Dionysius Puyton.  
M. Ioannes-Baptista de Revelois.

M. Edmundus Charrier.  
M. Raphaël Maurin.  
M. Ludovicus Gallau.

M. Franciscus Gouël.  
M. Claudius Quizebent.  
M. Franciscus Pijart.

Proponēbat Lutetiæ PETRUS PAULUS GUYART  
Parisinus. A. R. S. H. MDCLXXVI.

PARISIIS,

Apud Franciscum Muguet, Regis & Illustrissimi Archiepiscopi  
Parisienſis Typographum.